


www.BibleForChildren.org

Matyu 26



Yadii 6 tarek,
nokusha a nedii
saka yatarek, Jisas
rii Betani akamak iyarer.
Eeta akama Lasaras riiti
akama, Jisas riita tiiriimo
supuk taren otii
saniyeechi yesokwar ma,
riiti akama. Worek, Maria sii yan
najitar kwowa yatar uku kepin
yeechi yaya Jisas riiti yatiik gwotiichi
kaw siiti masebiyak bachir. Worek, eeta
uku si kwowa eeta akamak sokwa punyir.



Worek, Judas Iskeriot, Jisas riiti disaipel por rii opelen
otii tar harapa ma yenya heken ir. Jisas riina yechi
tapak howu haken ir. Irek, yecha rii
bar majin kwoya meejichi riina
moni ya ha majin wor. Worek,
Judas rii Jisas riina yechi
tapak how ha nobon
yesha tar.



Worek, disaipel ye Jisas riita
worega eecha Pasova sayarer.
Yecha atarek, Jisas geyen yeechi
Apoko riina woshi eechi neeki
reekiichi disaipel yenya har.
Haniga rii eecha wor: “Na ya a.
Dii eeta eeji maba.”



Worek, riita wain uku yeechi
eechaba Apoko riina woshi eechi
yanya haniga eecha wor: “Kwota
na eyey a. Dii eeta eeji pi. Eecha
mukuchichu God riita wotar maji sii
eeta siiken woy sokwato. Eeji pi
nosapek gwotii sakanak, nokwapa
nokwapa ma mima yechi kapasek
boboyen poyekiita.”



“Saimon, Saimon! Na meeji! Gaba rii ana woher kwon yeechiniga otii otii heken. Wit sharega saniga yichinak omu saniga yicha waga Gaba rii kwona eechaba otiiken gegiyato. Wowak, ada God riina maji bar. Miiti God riina hiki siitiichichawa boboyenkwona heechinakech eena ada miina God riina hiki siitiichichawa boboyen kwona yanak, mii miiti yaka kumwoy yenya na otii sa hapaga sii.”




Pita rii awasen eecha wor, “Ada miitaka poko jibak iken hikitu. Ada miitaka habak iken hiktu.” Jisas rii eecha wor, “Ada miina wocho, eeta apochok rii aya nediik miita eeji hin veenyiniga piiriichar wokiita, ‘Ada riitikasakech.’ Wonyak, eeta apochok rii aya wokiita.”



Worek, Jisas rii riiti disaipel
yechaka eem pochi
Getsemani eeka ir. Irek,
rii yenya eecha wor:
“Kwo diika na yinyak,
ada i katak God riina maji
bak.” Rii Apokon riina eecha
woher: “Apoko! Miita keena
eyey nokwapa nokwapa
boboyen otiikiita. Diita kapa
meeji tawa heebiyen adak na
yeechi rabo. Wowak, eeji
yokasakech. Eeta miiti keena
yo. Miita ana otiichik wonyey
eena na otiichi.”



Eena, Judas rii, gavman yechi ow ana pichawa ma yechaka eeta eemek ir. Perisi ye opelen otiitar ma ye yechi ow ana pichawa ma yenya heechirek iri, Judas riitaka eecha ibar. Yecha iri, habata ow ana pichawa boboyeka eecha neekii neekii ir. Disaipel por rii eeki yeechi harapa opelen otii tar ma riiti mabiya tiim rabor. Worek, rii eecha wor, “Eetayo!” Worek, rii wakasa ma riiti mabiya tapak how neekeri, eeta kepi siir.



Worek, yecha Jisas riina yeechi harapa opelen otii tar
ma riiti akak ye ir. Ye iniga Pita rii yenya yapak
sumowutar. Ma kaw ye aka saba inyi wok
hi tuku tar. Hi tuku tarek,
ma kaw ye hik yicharek,
Pita rii yaniga ii bak yir.



Worek, opelen otiitar harapa ma riiti yo otiitar wakasa ma por, Pita riita mabiyan tiimiir ma riiti magapa, rii eecha wor: “Ada miina kapo yichar eemek hebar?” Worek, Pita rii awasen eecha wor: “Yaho.” Worek, apochoko aya wor. Worek, Pita rii heechi sabak i harapa keyatar.



Worek, yopo yichi sokwachi Jisas riina yeechi Pailat, aka tabo yima, riitak ye ir. Pailat rii meejichi riina eecha woher, “Mii boy Ju Ma yechi aka tabo yima?” Jisas rii awasen wor, “Mi maji eetata.” Worek, Pailat rii Jisas riina heemachik gegiyar. Eena rii ma yenya ya ya yopo yichi maji wor. Worek,

ma ye harapa uwar, “Riina na mek ji siitii chi. Na mek ji siitiichi.”




Worek, eena Pailat rii Jisas riina
mek ji siitiichiken yechi tapak how
har. Worek, eena ye Jisas riina
yeechi riina ji siitiichi men harek, rii
kiyaniga akaman heechi eem pochik
ye ir. Eeta eem siiti hi, Masekii
Hapa.



Eeta eem riina mek ji siitiichir
eem. Akar ma upurus piiriin
yepa yepa akar mek irek,
Jisas riin nediik jir.



Eeta siivatabi harapa lotu akak tari,
eeta piikar. Worek, Jisas rii aya harapa uwar:
“Apoko, eeji mesek miitatapak hatu.”
Eecha wochi rii har.



Riiti hi kepi tar. Rii kaunsil ma tar. Rii
God riiti kigdomen kowu tar. Eeta
nedii Ju ma yechi akama siitar
nediin sayar tar. Eena
Josep rii Pailat riitak
anabeyichi i Jisas riiti
maban yeechi ye i
majin woher.

Worek, Josep rii
apoman
rikin


tokochi maban
yeechi ya sakari,
rikik jichi tiiriimo
supu pochik eeka ye
i seechir. Eeta tiiriimo
supu papan kwotiitar.
Seechirek, ye papa
poren ye i supu
nobon dasiipoyer.




Komas yadii nedii pochi siirek, Sarere,
opelen otii tar ma ye Peresi ye
Pailat riitak ya yopo
wochi yir. Worek, yecha
wor: “Harapa ma, nota
eecha hikitu kata
woshepii tar ma rii
tarek, eecha
wochar, ‘Yadii
diipiira kata siichi
ada saniyeechi
kawka
yesokwakiita.’”




Worek, ye heechi i tiiriimo supun
hehar dasiipii parechi
hokuk shar. Hokuk
sharek, ye siiti kowu
tar man heechirek
siiti kowu tar.



Akama sii tawa nedii sii hamarek,
Sade uhadiirek, Magdala Maria
sii akar Maria pochi siitiika
piir eecha tiiriimo supun
heken ir. Worek, ameya
nosap sii harapa
nyenyaw yar.




Harapa riiti ejel rii hevenek taren
heechi ya sakar. Sakari, tiiriimo
dasiipii tar papan tagwa
seechi rii eeta papa tukuk
yichar. Wiitii tar ma ye
eena hechi harapa
akii nubunubu tari,
ha maga eecha
siir.




Worek, ejel rii mima piiriina eecha wor:
“Ki opoche akiitanakech. An hewa
ki Jisas riina mek ji siitii chirin
eena heken yawa. Rii diika
takasakech. Riisaniyeechi
sokwa ir. Mashi riita
worega rii eecha otiir.
Na ya riita watar
eemeban na he.”



Worek, eeta mima piir eena akiichi inyaka
kwoya hikichi piir ameya ir. Disaipel
yanya sawoken eena ir. Worek,
Jisas rii ya piiriina nobok ameya
jawor. Jawochi, piiriina woshi
eechi eeche wor: “Kichi inyaka
sii kwoya hiki ta.” Worek, piir
bana bana yesokwa tar.





Komas 11 disaipel ye otii atarek, Jisas rii mayama yenya eeka mukuchir. Rii yenya majin wosawor. Yecha eena inyaka saka hiki siitiichirek. Yechi marenoku hapaga tar. Ma kaw ye Jisas riita sokwar maban heri, yenya eena sawori ye saka hiki siitiichirek. Eena Jisas rii yenya majin wosawor. Harapa Jisas rii yenya maji ba hamarek, God riita riina yeechi hevenek ye yowur. Ye yowurek, rii God riiti mama yepak eeka yir.



God riita diita nosapek tawa man
rukusiitarek, rii riiti Yikapwa
podareban heechirek yar. Eeta ma
rii riina hiki siitiichichawey, riipa
hakasakech. Riipa eechaba
eechaba takiita.



Rom 3:23

Nota eyey ma kapasek boboyen otii tarek, no God riiti hadabas tawa boboyen nota eena esanato.

Rom 6:23

Kapasek otii tawa boboy sii eeta hatawa nobon tokoto. Wowak, God riita yeyada ha tawa boboy sii eeta nona Jisas Kraist, noti Harapa, riiitaka eechaba eechaba takiitawa nobon eena hato.

Hibru 9:27

Diita boboy ma yenya hato. Ma ye podatebanedii har. Hanak, God riita yenya anasakiita.



Epesas 2:8,9

Eetata: God riita nona yeyada rukusiichi hehare tarek, no Jisas riina hiki siitiichichawak, rii nona yesokwar. Noti yokasakech. Yaho. God riita yeyada ha tawa boboy. Sii kwota yo otii tawa yaga eeche takasakech. Wowak, kwo kwoti hin mayama yesokwa takasakech.

Rom 10:9,10

Miita miiti kujak eeche wonyey, “Jisas rii eeta Harapa,” miita miiti sugu wopuk eeche hiki siitiichinyey, Jisas riita harek, God riita riina awasen yeechi yesokwa yichir, eeche hikiney, God riipa miina yesokwa yichikiita. Notanoti sugu wopuk Jisasriina hiki siitiichichawey, God riiti misomak nona nagwa nagwa otii chichu. Nota Jisas Kraist riiti hinnota kwodii wochiwak, nona yesokwa yichitu.



Jon 3:16,17

“God riita diita nosapek tawa man rukusiitarek, rii riiti Yikapwa podareban heechirek yar. Eeta ma rii riina hiki siitiichichawey, riipa hakasakech. Riipa eechaba eechaba takiita. God riita riiti Yikapwan heechirek yari, saka nosapek tawa man anasaken eena heechirek, yarek. Yaho. Yenya yesokwa yichaken eena heechirek yar.

1 Jon 5:11-13

Wowak, tayechi heema paka tawa boboy diitata: God riita nona eechaba eechaba taktawa boboyen har. Harek, no apa eechaba eechaba tak tawak, no riiti nobok ichu. Ma rii God riiti Yikapwa riiti wok taney, eechaba eechaba takiita. Ma rii God riiti Yikapwa riiti wok tanan siiney, riipa eechaba eechaba takiisakech. Boyewak ada kwona keyitu? Kwo hikikenkwo eechaba eechaba takiita, eena keyitu. Kwo God riiti Yikapwa riiti hin hiki siitiichichawak, eena ada keyitu.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kwoma NT (kmo) © 1974, Wycliffe Bible Translators, Inc.
All rights reserved.

<https://live.bible.is/bible/KMOWBT/MAT/1>

©2026 Bible for Children, Inc.

www.M1914.org

www.bibleforchildren.org

